



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XVI. Kurfürst Friedrich genehmigt die Käufe auf Wiederkauf, welche sein Rath Heine Pfuel an Zoll- und Mühleneinkünften zu Freienwalde mit denen von Uchtenhagen und Anderen geschlossen, am 27. Mai ...

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

vnd verlengeren, setzen vnd ordiniren, beseitigen vnd confirmiren den auch vf den gnanten Sonntag vor Sant katherinen tage, In maßen so vor berurt ist, In crafft vnd macht dießes brifes. Geben czu franckenforde, am Sonntag nach laurentii, Anno domini etc. XLVII^{mo}.

Nach dem Churm. Lehnscopialbuche XX, 14.

XVI. Kurfürst Friedrich genehmigt die Käufe auf Wiederkauf, welche sein Rath Heine Pful an Zoll- und Mülheneinkünften zu Freienwalde mit denen von Uchtenhagen und Anderen geschlossen, am 27. Mai 1450.

Wir fridrich etc. Bekennen —, das wir vnnsen willen vnd volbort darczu gegeben haben, das vnnsen Rat vnd lieber getruwer Heyn pfule disse hirnachgeschriben Jerliche Czinze vnd Rente czu einem rechten widerkauffe habe mogen kauffen, Nemlichen von Balczar, Jorg vnd Hanns von vchtenhagen, gebruder vnd vetteren, Czehe schogk geldes In dem Czolle czu frienwalde vor drithalbehundert gulden Reinisch, Item sechs schogk geldes In der vormole darfelbest vor anderhalbhundert gulden; Item von vnnsen Rat vnd lieben getruwen ludicke von Arnym czwelf schogk geldes Im dorffe czu Dogelin vnd Sibenczehe schogk geldes vnd Sibenczehe groschen Im dorffe czu Grundal, Item von Ditterich von holczendorff sechs schogk geldes, die bereidesten Czinze In dem dorffe czu schonenfelde vor hundert achtzig gulden; Item von peter, Cristoffel vnd hanns, gebruder, von Eykendorff sechs schogk geldes vf drie Hofe zu schultendorff vor sechtzig schogk vnd von Tile vnd Andrews Buffen, gebruder, sechs schogk czu priczagen In den bereidesten Zeinszen. Vnd wir geben vnnsen willen vnd volbort czu solchem widerkouffe, wie obinberurt ist, In crafft vnd macht disses briues, doch Also, das die vorgnannten vnnsere Mannen, Ir erben, solche Jerlichen Czinze vnd Rente von dem gnanten Heyne pfule vnd sinen erben, so sie vortmer ersten können vnd mogen, wider loszen vnd czu Iren guten brengen sollen an geuerde. Datum Berlin, feria quarta post penthekosten, Anno domini etc. L^{mo}.

Nach dem Churm. Lehnscopialbuche XX, 198.

XVII. Kurfürstliches Erkenntniß in Sachen Balzers von Uchtenhagen und seiner Vetteren, die Theilung ihres Lehn- und Erbgutes belangend, vom 21. Januar 1460.

Wir Friderich, von gots gnaden Marggraue zu Brannenburg etc., Bekennen —, Das hewt datum ditzs brieffs vor vns komen sein Balczar von vchtenhagen, Ritter, Caspar vnd hanns von vchtenhagen, sein vetteren, vnnsere liebe getruwen, vnd sein zweiseitig gewest vmb die teylung Irer lehen, erbe vnd guten. Also nach verhandelter sache mit Ir aller gutem willen vnd wissen vnd mit Rate vnd beywesen Irer freundt haben wir sie entscheiden vnd geteylt, Inmaßen hirnach geschriben stet. Czum Erstenn das alle Ir gute lehen vnd Erbe Inwendig oder